

AKASHVANI (AIR)
RNU : KOLKATA
Bengali Text Bulletin

Date 27-02-2025

Time: 7-50 P.M.

বিশেষ বিশেষ খবর –

১) বিজেপি, আগামী বছর বিধানসভা নির্বাচনের আগে রাজ্যে ভোটার তালিকায় কারচুপি করছে বলে তৃণমূল কংগ্রেস নেত্রী মুখ্যমন্ত্রী মমতা ব্যানার্জী অভিযোগ করেছেন। নেতাজী ইন্ডোর স্টেডিয়ামে আজ দলীয় সভায় তিনি ভোটার তালিকা সংশোধন ও সংস্কারের জন্য একটি কমিটি গঠনের কথাও ঘোষণা করেন।

বিজেপি সহ বিরোধী দলগুলি মুখ্যমন্ত্রীর অভিযোগ খারিজ করে দিয়েছে।

২) ভুয়ো ভোটারের অভিযোগের প্রেক্ষিতে নির্বাচন কমিশন আজ এক বৈঠকে বসে। জেলা প্রশাসনকে এব্যাপারে আরও সতর্ক থাকার নির্দেশ দিয়েছে কমিশন।

৩) আর জি কর-এর মতো নৃশংস ঘটনার তদন্তে সি বি আই সম্পূর্ণ ব্যর্থ বলে মুখ্যমন্ত্রী অভিযোগ করেছেন।

এদিকে, নির্যাতিতার বাবা-মা আজ দিল্লি গিয়ে সিবিআই-এর অধিকর্তার সঙ্গে দেখা করেন।

৪) পশ্চিম বর্ধমানের পানাগড়ে সড়ক দুর্ঘটনায় চন্দননগরের তরুণীর মৃত্যুর তিনদিন পর গাড়ির চালক ও মালিক বাবলু যাদবকে পুলিশ আজ গ্রেফতার করেছে।

৫) কলকাতায় আজ শুরু হয়েছে প্রথম পূর্বোদয় সাহিত্য উৎসব।

○○○○○○○○○○○○○○○○○○○○○○○○○○○○○○

বিজেপি আগামী বছর বিধানসভা নির্বাচনের আগে রাজ্যে ভোটার তালিকায় কারচুপি করছে বলে তৃণমূল কংগ্রেস নেত্রী মুখ্যমন্ত্রী মমতা ব্যানার্জী অভিযোগ

করেছেন। নেতাজি ইন্ডোর স্টেডিয়ামে আজ দলীয় কর্মীসভায় তিনি বলেন, নির্বাচন কমিশনের সহযোগিতায় কোন সমীক্ষা না করেই বিজেপি তাদের এজেন্ডিকে দিয়ে অনলাইনে ভোটার তালিকায় ভুয়ো ভোটার যুক্ত করছে। তা ঠেকাতে দ্রুত ভোটার তালিকা সংশোধন ও সংস্কারের কাজ শুরু করতে মুখ্যমন্ত্রী দলীয় কর্মীদের নির্দেশ দেন।

(বাইট – মুখ্যমন্ত্রী)

এছাড়া দলীয় সভাপতি সুব্রত বক্সির নেতৃত্বে রাজ্যস্তরের একটি কমিটি গঠনের কথাও ঘোষণা করেন তিনি। ভোটার তালিকা সংক্রান্ত কাজ করতে গিয়ে কোন সমস্যা হলে এবং কাজ কতদূর এগোল, তা নিয়ে প্রতিটি জেলা কমিটিকে নিয়মিত রিপোর্ট পাঠানোর নির্দেশ দেন মমতা।

ভোটের আগে এখন থেকেই প্রস্তুতি নিতে বুথস্তরের কর্মীদের নির্দেশ দেন তিনি। মুখ্যমন্ত্রীর আরও অভিযোগ বিজেপি নিজেদের স্বার্থে দলের লোককে নিযুক্ত করে নির্বাচন কমিশনকে রাজনৈতিক রং দিয়েছে। কমিশনকে তিনি শ্রদ্ধা করেন বলে জানিয়ে, তাদের নিরপেক্ষভাবে কাজ করার আর্জি জানান মমতা।

এদিকে, বিজেপি মুখ্যমন্ত্রীর এই অভিযোগ খারিজ করে দিয়েছে। দলের নেতা সাংসদ শমীক ভট্টাচার্য আজ নদীয়ায় সাংবাদিকদের বলেন, এ রাজ্যের ভোটার তালিকা ত্রুটি মুক্ত করতে তারা বদ্ধপরিকর। ভোটার তালিকায় বাংলাদেশী অনুপ্রবেশকারীদের নাম ঢুকিয়ে নির্বাচনে জেতা যাবে না বলে তিনি স্পষ্ট উল্লেখ করেন।

(বাইট – শমীক)

বিজেপি-র রাজ্য সভাপতি সুকান্ত মজুমদারও দাবি করেছেন, মুখ্যমন্ত্রী আগামী দিনে ক্ষমতাচ্যুত হওয়ার ভয় থেকে এই ধরনের মন্তব্য করেছেন। এতো দিন তৃণমূল কংগ্রেস-ই ভোটে কারচুপি ও ছাপ্পা ভোট দিয়েছে, কিন্তু এখন তারাই বিজেপি-র বিরুদ্ধে ভুয়ো ভোট করানোর অভিযোগ আনছে।

আজকের বৈঠকে মাত্র ১৫ হাজার দলীয় কর্মীকে নিয়ে কিভাবে নির্বাচনী রণকৌশল স্থির হল, সেই প্রশ্নও তোলেন তিনি।

আগামী ৪ঠা মার্চ সব রাজ্যের মুখ্য নির্বাচনী আধিকারিকদের সঙ্গে বৈঠক করবেন নবনিযুক্ত মুখ্য নির্বাচন কমিশনার জ্ঞানেশ কুমার। সেখানেও বিষয়টি নিয়ে আলোচনা হবে।

পশ্চিমবঙ্গের ৩২ জন বিজেপি নেতার কেন্দ্রীয় নিরাপত্তা প্রত্যাহারের সিদ্ধান্ত নিয়েছে স্বরাষ্ট্রমন্ত্রক। তালিকায় রয়েছেন প্রাক্তন সাংসদ জন বার্না, প্রাক্তন আই পি এস দেবশিস ধর, শঙ্কুদেব পাণ্ডা। এছাড়াও মুর্শিদাবাদ, দক্ষিণ ২৪ পরগনা, নদীয়া এবং

আর জি কর হাসপাতালে নির্যাতিতা তরুণী চিকিৎসকের বাবা-মা আজ দিল্লিতে কেন্দ্রীয় তদন্ত ব্যুরো সিবিআই-এর অধিকর্তার সঙ্গে দেখা করেন। পরে তিনি সাংবাদিকদের বলেন সিবিআই-এর অধিকর্তা তাকে ন্যায় বিচারের আশ্বাস দিয়েছেন। সিবিআই-এর তদন্তের ওপরে তাদের আস্থা রয়েছে বলেও উল্লেখ করেন আর জি কর-এর নিহত চিকিৎসকের বাবা। এই প্রসঙ্গে তিনি স্থানীয় বিধায়ক, কমিশনার, প্রাক্তন পুলিশ কমিশনার এবং প্রধান অভিযুক্তের বিরুদ্ধে উপযুক্ত ব্যবস্থা গ্রহণের দাবি জানান। তাঁর মেয়ের ডেথ সার্টিফিকেট দেওয়া হচ্ছে না, অভিযোগ করে বাবা বলেন, এর পেছনে বড় রকমের একটা ষড়যন্ত্র রয়েছে। শীঘ্রই তা প্রকাশিত হবে। কলকাতা

পুলিশের কাছে যথেষ্ট সময় থাকা সত্ত্বেও তারা সঠিক তদন্ত করেনি। সমস্ত প্রমাণ লোপাট করেছে বলেও অভিযোগ করেন তিনি।

আগেই জানানো হয়েছে, মেয়ের ন্যায় বিচারের লক্ষে নির্যাতিতার বাবা-মা আজ সকালে দিল্লি গেছেন। তাদের সঙ্গে আছেন, শিয়ালদা আদালতের আইনজীবীদের একটি দল এবং জুনিয়ার ডক্টর ফ্রন্টের চার চিকিৎসক।

রওনা হওয়ার আগে বিমানবন্দরে নির্যাতিতার বাবা-মা সাংবাদিকদের বলেন, মেয়ের খুন ও ধর্ষণের ঘটনায় অভিযুক্তরা শাস্তি পেলে পানাগড়ের মতো ঘটনা ঘটতো না। ওই চিকিৎসকের মা বলেন –

(বাইট- নির্যাতিতার মা)

oo

পশ্চিম বর্ধমানের পানাগড়ে রবিবার গভীর রাতে সড়ক দুর্ঘটনায় চন্দননগরের তরুণীর মৃত্যুর ঘটনার তিনদিন পর দুর্ঘটনায় জড়িত গাড়ির চালক ও মালিক ব্যবসায়ী – বাবলু যাদবকে পুলিশ গ্রেফতার করেছে। আজ দুপুরে তাকে অভাল থেকে ধরার পর নিয়ে যাওয়া হয় কাঁকসা থানায়। সেখানে আসানসোল – দুর্গাপুর পুলিশ কমিশনারেটের আধিকারিকরা তাকে জিজ্ঞাসাবাদ করছে।

আমাদের জেলা সংবাদদাতা জানাচ্ছেন –

(ভয়েসকাস্ট – তনুশ্রী)

উল্লেখ্য, চন্দননগরের বাসিন্দা সুতন্দ্রা চট্টোপাধ্যায় নামে ইভেন্ট ম্যানেজমেন্ট ওই কর্মী গাড়ি নিয়ে গয়ায় একটি কাজে যাচ্ছিলেন। রবিবার গভীর রাতে পানাগড়ের রাইস মিল মোড়ের কাছে তাঁর গাড়িটি দুর্ঘটনাগ্রস্ত হলে মৃত্যু হয় বছর ২৭-এর সুতন্দ্রার।

কলকাতায় আজ শুরু হয়েছে প্রথম পূর্বোদয় সাহিত্য উৎসব ২০২৫। কেন্দ্রীয় শিক্ষা মন্ত্রকের অধীন ন্যাশনাল বুক ট্রাস্ট ও ইনস্টিটিউট অফ সোশ্যাল অ্যান্ড কালচারাল স্টাডিস সহ বিভিন্ন সংগঠনের যৌথ উদ্যোগে আইসিসিআর প্রেক্ষাগৃহে এই সাহিত্য উৎসব চলবে ১লা মার্চ পর্যন্ত। রাজ্যপাল সি ভি আনন্দ বোস সাহিত্য উৎসবের উদ্বোধন করেন।

০০০০০০০০০০০০০০০০০০০০০০

বাংলা সাহিত্যের অন্যতম সেবক, রম্য রচনাকার, গবেষক, প্রাবন্ধিক, অনুবাদক ফাদার দ্যঁতিয়েনের জন্মশতবার্ষিকী পালিত হলো আজ শান্তিনিকেতনে। বিশ্বভারতী-র বাংলা বিভাগ, সেন্ট জেভিয়ার্স কলেজ (স্বশাসিত) কলকাতা এবং সেন্ট জেভিয়ার্স কলেজ (কলকাতা) প্রাক্তনী সংসদের উদ্যোগে এই উপলক্ষে এক আলোচনা চক্রের আয়োজন করা হয়।

অনুষ্ঠানে বিশিষ্ট রম্য রচনাকার কৃষ্ণ শর্বরী দাশগুপ্তকে ফাদার দ্যঁতিয়েন শতবার্ষিকী স্মারক সম্মান প্রদান করা হয়।

০০০০০০০০০০০০০০০০০০০০০০

মহাকুস্তুকে ঐক্যের মহাযজ্ঞ আখ্যা দিয়ে প্রধানমন্ত্রী নরেন্দ্র মোদী বলেছেন, ভারত তার ঐতিহ্য নিয়ে গর্বিত। একটি ব্লগে আজ তিনি লিখেছেন, দেশ বর্তমানে এক নতুন শক্তি নিয়ে এগিয়ে চলেছে। প্রয়াগরাজে মহাকুস্তের সাফল্যের প্রশংসা করে প্রধানমন্ত্রী বলেন, ১৪৪ বছর পর মহাকুস্তের এই পুন্য তিথিতে সাধু-সন্তরা, আরও একবার উন্নত ভারত-বিকশিত ভারতের বার্তা দিয়েছেন। ত্রিবেণী সঙ্গমে কোটি কোটি মানুষের সমাগম, গোটা বিশ্ব বিস্ময়ে দেখেছে। মহাকুস্তে তরুণ প্রজন্মের অংশগ্রহণেই প্রমানিত, আগামী দিনে তারা দেশের উন্নয়নের আলোকবর্তিকা হয়ে উঠবে এবং ভারতের গৌরবময় সংস্কৃতি ও ঐতিহ্যের সংরক্ষণে গুরুত্বপূর্ণ ভূমিকা নেবে।

হাজার হাজার বছর ধরে মহাকুস্ত, ভারতের জাতীয় চেতনাকে শক্তিশালী করেছে বলে শ্রী মোদী মত ব্যক্ত করেন। একতার এই মহাকুস্ত, জাতি-ধর্ম, গ্রাম-শহর, ধনী-দরিদ্র, নির্বিশেষে সর্বস্তরের মানুষের মিলন ক্ষেত্র হয়ে উঠেছে বলে উল্লেখ করেন তিনি।

০০০০০০০০০০০০০০০০০০০০০০